

光緒順天府志

藝文志三

光緒順天府志一百二十四

順天人著述二

江陰繆荃孫纂

宋

趙普藝祖受禪錄一卷

存

普事蹟詳先賢傳舊本題宋趙普曹彬同撰記太祖初生及幼時事特詳末云先是晉天福中兩浙兒童聚戲率以趙字爲語助如得曰趙得可曰趙可云云亦侈陳符瑞之故智帝王受命自有本原豈以小兆爲驗耶

龍飛記一卷

存

是書作於建隆元年記太祖受禪事普時爲樞密學士蓋太祖

卽位之初也然普既有受禪錄何以又爲此書疑與受禪錄皆後人所依託以普及曹彬爲文武佐命各假借其名耳

奏議一卷

佚

見宋史藝文志別集類

趙韓王集三卷

未見

世善堂書目有之書錄解題韓王開國功臣不以文著而彗星班師二疏天下至今稱頌

別傳一卷

佚

見宋藝文志傳記類不知何人所撰

寶儀重詳定刑統三十卷編敕四卷

未見

儀事蹟詳先賢傳按玉海云儀言周刑統科條繁浩或有未明請別加詳定凡削出令式宣敕一百九條增入制敕十五條又錄律內餘條准此者凡四十四條附於各例之次並目錄成三十卷取舊削去格令宣敕及後來續降者凡一百六十條爲編敕四卷通志藝文略作開寶刑統三十卷宋朝建隆編敕四卷亦見世善堂書目

端揆集四十五卷

佚

見宋藝文志

寶儀周正樂一百二十卷

佚

儼事蹟詳先賢傳按宋史本傳周世宗詔儼考正雅樂儼校鐘磬筦簫之數辨清濁上下之節復舉律呂旋相爲宮之法迄今遵用翰苑羣書云世宗顯德五年冬將立歲仗前一日親至於樂懸之下問雅音於工師皆不能答因令儼知太常卿事與樞使王朴同詳定之乃用古累黍之法以審其度造成律准其形如琴而巨凡十三弦以定六律六呂旋相爲宮之義世宗善之是書蓋當時所作宋藝文志作大周正樂八十八卷卷數不同

義訓十卷

佚

見宋史藝文志小學類

集七十卷

佚

見宋史本傳

東漢文類三十卷

佚

見宋史藝文志總集類

趙上交集二十卷

佚

上交事蹟詳先賢傳宋史本傳云有集二十卷張昭爲序

扈蒙六家謚法一卷

佚

蒙事蹟詳先賢傳此書見文獻通考

周世宗實錄四十卷

佚

見書錄解題

周恭帝日麻三卷

佚

見通志藝文略編年類

鼇山集二十卷

佚

按宋史本傳蒙開寶中與李穆等同修五代史詳定古今本草
自張昭寶儀後典章儀望皆所刊定玉壺清話云乾德九年正
月乾元殿受降王朝蒙參定其議有李朴請誅之制甚繁具本
文蒙繼上聖功頌次年將東封又進御劄草上愛之批於紙尾
獎之云聖功頌及此文無一字可議

劉載文集

佚

載事蹟詳先賢傳宋史列傳稱其好學博通史傳善屬文嘗受詔撰明憲皇后諡冊文又作弔戰國賦萬餘言嘗著五論曰爲君爲相爲將去讒訥諫頗爲文士所稱大中祥符四年其孫介以文集獻

趙曦集十卷

佚

曦事蹟詳先賢傳宋史本傳云有集十卷太宗嘗取以入內

趙良嗣集

佚

良嗣事蹟詳鑿誠傳按程史云余讀北遼遺事見趙良嗣見王

環使金蓮攻遼上京城破有詩云建國舊碑明月暗興王故土
野風乾回頭笑謂王公子騎馬隨軍上五營其詩中所稱五營
上京殿名阿保機故巢卽會甯乃契丹所謂西樓者實耶律氏之威鎬豐
沛良嗣世仕其國身踐其朝貴爲列卿一旦決去視宗國顛覆
殊無禾黍之悲反吟咏以志喜良可慨也縱有名篇亦不足錄
况僅爾爾耶故良嗣自所爲集凡數十卷時人皆唾去不視蕩
燬無收拾者

寶漢卿瘡瘍經驗全書十三卷

未見

卷首署燕山寶漢卿以瘍醫行於宋慶厯祥符間曾治太子疾
愈封爲太師所著有寶太師全書宋史藝文志不載僅有寶太
師子午流注一卷亦不詳寶爲何名一人二人無從攷證

遼

耶律儼皇朝實錄七十卷

佚

儼事蹟詳雜人傳修實錄事載遼史錢大昕元史藝文志載其結銜爲樞密院直學士攷本傳壽隆初爲是官以母憂去尋召復舊職六年遷知樞密院事實錄當修於是時上遼史表云耶律儼語多避忌陳大任辭乏精詳今開考朔考中謂其以大明法追正乙未月朔與陳大任紀時多抵牾蓋遼史取裁於是錄及大任書也世善堂書目存四冊

室昉統和實錄二十卷

佚

昉事蹟詳先賢傳按統和爲遼聖宗年號實錄進於統和四年

防時爲北府宰相同撰有翰林學士邢抱朴等見千頃堂書目
按金門詔補三史藝文志載室昉尙書無逸篇一卷此進書規
諫非昉自撰今不錄

馬得臣唐三紀行事

佚

得臣事蹟詳先賢傳金補三史藝文志云聖宗時馬得臣錄唐
高祖太宗元宗三紀行事可法者以進

得臣詩

佚

見金補三史藝文志詩集類按遼史本傳稱其好學博古善屬
文尤長於詩

楊哲詩

佚

哲事蹟詳先賢傳亦見金補三史藝文志詩集類按遼史本傳云幼通五經大義聖宗聞其穎悟召試詩

楊佖登瀛集五卷

佚

佖事蹟詳先賢傳按遼史本傳云遷翰林學士文章號得體宋遣梅詢賀千秋節詔佖迎送多唱酬詢每見稱賞是集見本傳宋藝文志

王鼎菱椒錄一卷

存

鼎事蹟詳先賢傳是書記道宗懿德皇后蕭氏爲官婢單登構陷事前有大安五年自序稱待罪可敦城蓋蕭居鎮州時也王

士禎居易錄曰契丹國志后妃傳道宗蕭皇后本傳云性情寡
欲魯王宗元之亂道宗同獵未知音耗后勒兵鎮帖中外甚有
聲稱崩葬祖州云云而已茱椒錄所紀絕無一字及之又錄稱
后爲南院樞密使惠之少女而志云贈同平章事顯烈之女志
云勒兵似嫺武略而錄言幼能誦詩旁及經子所載射虎應制
諸詩及回心院詞皆極工而無一語及武事且本紀道宗在位
四十七年改元者三清甯咸雍壽昌初無太康之號而耶律乙
辛密奏太康元年十月云云皆低悞不合按遼史道宗紀宣懿
皇后傳均與茱椒錄所紀同蓋契丹志之疎耳遼人書禁甚嚴
傳至中國者法皆死是書事涉宮闈在當日益不敢宣布宋人
自無由而知士禎又言道宗無改元太康之號考之遼史道宗
清甯十年咸雍十年太康十年大安十年壽隆六年

國志作壽昌與石刻

合此則遼宜懿之死在太康二年並無抵牾契丹國志不載太史之談
康太安以咸雍爲三十年士禎僅閱國志未繙遼史便疑此書亦可謂失於目睫矣

王鼎詩

佚

見金補三史藝文志詩集類

僧行均龍龕手鑑四卷

存

張丹鳴刊本

行均字廣濟俗姓于氏晁公武讀書志謂此書卷首僧智光序題云統和十五年丁酉七月一日沈括夢溪筆談乃謂熙甯中有人自契丹得此書入傳欽之家蒲傳正取以刻版其序末舊云重熙二年五月序蒲公削去之云云今案此書卷首智光原

序尙存其紀年實作統和不作重熙與晁公武所說相合知沈括誤記又文獻通考載此書三卷而此本實作四卷智光原序亦稱四卷則通考所載顯然誤四爲三殆皆隔越封疆傳聞紀載故不免失實歟其書凡部首之字以平上去入爲序各部之字復用四聲列之後南宋李燾作說文五音韻譜實用其例而小變之每字之下必詳例正俗今古及或作諸體則又行均因唐顏元孫千祿字書之例而小變之者也所錄凡二萬六千四百三十餘字註一十六萬三千一百七十餘字并註總一十八萬九千六百一十餘字於說文玉篇之外多所搜輯雖行均尊其本教每引中阿含經賢愚經中諸字以補六書所未備然不專以釋典爲主沈括謂其集備書中字爲切韻訓詁殊屬不然不知括何以云爾也括又謂契丹書禁至嚴傳入別國者法皆

死故有遠一代之遺編諸家著錄者頗罕此書雖頗參俗體亦間有舛謫然吉光片羽幸而得存固小學家所宜寶貴也通志以爲智光作蓋誤以作序之人爲撰書之人

貞照非濁往生集二十卷

佚

貞照事蹟詳釋道傳是書見奉福寺萬勝陀羅尼石幢記

劉海蟾還金丹篇一卷

存

海蟾事蹟詳釋道傳此書見道藏目錄

海蟾詩集一卷

佚

見道志藝文略宋藝文志

金

韓昉集金源郡王完顏勛諫表

佚

昉事蹟詳先賢傳此書見金補三史藝文志

張斛南游詩北歸詩

佚

斛字德容漁陽人仕宋爲武陵守金索北歸官秘書省著作郎
今全金詩存共十八首

韓玉元勳傳十卷

未見

玉事蹟詳先賢傳是傳爲玉應詔而作金史本傳章宗歎曰勳
臣何幸得此家作傳耶見世善堂書目

應制集

佚

見金補三史藝文志別集類

東浦詞一卷

佚

見金補三史藝文志詞曲類

呂貞幹碣石志

佚

貞幹事蹟詳先賢傳按中州集云貞幹酷嗜書籍著碣石志數十萬言皆近代以來事蹟幽隱謠怪詼諧嘲評無所不有

劉中文集

佚

中事蹟詳先賢傳此集見金門詔盧文弼錢大昕補三史藝文志別集類按中州集云中詩清便可喜賦得楚辭句法尤長于古文典雅雄放有韓柳氣象

王鬱王子小傳

存

鬱事蹟詳先賢傳此傳載歸潛志中

王鬱集

佚

見金補三史藝文志詩集類今中州集存鬱詩一十三首

耶律履乙未元麻

佚

履字履道東丹王七世孫楚材之父謚文獻見錢大昕元史藝

文志

文獻集十五卷

佚

見盧文弨補遼金元藝文志

元

耶律楚材皇極經世義

未見

楚材事蹟詳先賢傳是書見朱彝尊經義考擬經四

西游錄

未見

見錢大昕元史藝文志地理類蓋庚午從太祖西征時所記

西征庚午元麻二卷

未見

按元史麻志元初承用金大明麻庚辰歲太祖西征五月望日蝕不效二月五月朔微月見於西南中書令耶律楚材以大明麻後天乃損節氣之分減周天之秒去交終之率治月轉之餘課兩曜之後先調五行之出沒以正大明麻之失且以中元庚午歲國兵南伐而天下略定推上元庚子歲天正十一月壬戌朔子正冬至日月合璧五星聯珠同會虛宿六度以應太祖受命之符又以西域中原地理殊遠創爲里差以增損之雖東西萬里不復差忒遂題其名曰西征庚午元麻表上之然不果頒用按勿庵攷云據史元太祖以己卯親征西域諸國次年庚辰夏五月駐蹕也石的石河有西域人與耶律文正王爭月蝕而西說竝誦故耶律作麻託始是年也又以太祖庚午始絕金次

年伐之不五年天下略定故推演上元庚午冬至朔旦七曜齊元爲受命之符謂之西征庚午元祿西征者謂太祖庚辰也庚午元者上元起算之端也今厯志說太祖庚辰爲太宗則太宗無庚辰也太宗在位共十有三年起己丑畢辛丑又說上元爲庚子則於積年不合也據演紀積年二千二十七萬五千二百七十算外得庚辰則起算必庚午故特攷而正之後董祐誠五十三家厯術亦衍其說

麻苔把麻

未見

見金門詔三史藝文志天文類按楚材依回鶴麻撰

五星秘語一卷

佚

見錢大昕元史藝文志五行類

四庫全書
卷一百一十二
先知大數一卷

佚

見同上

辨邪論

未見

見錢大昕元史藝文志釋道類

湛然居士文集三十五卷

未見

千頃堂書目云缺七卷至十二卷又缺二十二卷二十三卷

又十四卷

存鈔本

中書都事宗仲亨輯是集載詩爲多惟卷八卷十三卷十四稍

以書序碑記錯雜其中編次殊無體例王士禛池北偶談摘錄其贈李郡王筆寄平陽潤老和陳秀玉韻贈富察元帥河中遊西園壬午元日諸詩以爲頗有風味雖時時出入內典而大旨必歸於風教儒者之詩故不墮於禪悅也

郝經周易外傳八十卷

佚

經事蹟詳僑寓傳按是書爲經羈管真州時所作自孔子以來諸家注釋覈其至精去其重複義理象數兼采鉅細不遺積成八十卷謂之外傳者以孔子爲經作傳後人著作皆傳外之傳也示不敢同於聖人之作

太極傳一卷

存

見朱彝尊經義考易類

太極演二十卷

佚

經自序有云嘗聞之師讀易者當先讀繫辭其次說卦序卦雜卦其次讀乾坤二卦既精且熟然後讀屯蒙諸卦此學易之序也蓋意言象數之本皆在於是矣故取太極一章以爲學易之標準類繫辭文言說卦象象之名義探諸太極之前而演其隱微諸太極之後而演其顯問津洙泗以及河洛遍參諸儒庶幾數年之後可以學易觀道易神之髣髴不失吾身之極焉故取道易神等二十三條爲一類合爲一圖以示其序而各爲之說謂爲易道蘊極演諸太極之前者也其次取太極等六條爲一類合爲一圖以示其序而各爲之說謂爲易有太極所以演太

極也其次取易書詩春秋論語大學中庸孟子名義 皇極

等凡二十四條爲一類合爲一圖以示其序而各爲之說謂爲人道建極合隱顯而立極成易也其次分易爲四爲伏羲易文王易周公易孔子易合爲四聖易圖以示其序而各爲之說爲之圖演太極之後所以成易者也其次爲孔門言易諸儒擬易傳注疏釋等類以爲易之支流餘奇見太極爲易之用太極而無極神而明之存乎其人焉爾矣凡十類六十篇總謂之太極演云

春秋外傳八十一卷

佚

經在真州弟子苟宗道以書欣官從行甲子春宗道請傳春秋之學且志其說而無書以爲據乃以故所記憶者爲春秋外傳

以授宗道謂之外傳者自三傳之外而爲是不敢自同於三傳也。以春秋正經多不同，乃爲論次作章句音義八卷，求聖人之意者必探其本以爲綱，乃作制作本原三十一篇，十卷春秋一書義在於事，必比事而觀其義，可見乃爲比類條目一百三十三篇，十二卷三傳之說不同，故聖經之旨不一，乃爲三傳折衷傳經之大義，定於一，凡五十卷，卷首又著三傳序論，列國序論一卷，共八十一卷，制作本原三傳折衷各有自序。

通鑑書法

佚

見錢大昕補元藝文志編年類，盧摯曰：公既處幽，所以立言載道爲務，撰續後漢書著春秋外傳，易外傳，太極演原，古錄通鑑書法，玉衡貞觀刪三子，一王雅行人志，各數十卷。

行人志

佚

見錢大昕補元藝文志地理類

玉衡貞觀十二卷

佚

見錢大昕元史藝文志天文類

變異事應

佚

見同上

續後漢書九十卷

存 宜稼堂叢書本

經是書亦拘於真州時所作其書乃取陳壽三國志別加刪訂

以昭烈上紹漢統升爲本紀黜吳魏皆爲列傳三國之臣則以漢魏吳別之又別爲儒學文藝行人義士高士死國死虐技術狂士叛臣篡臣取漢平吳列女四夷諸傳又以書無志作八錄以補其闕各冠以序而終以義贊原目九十卷中間各分子卷實一百三十卷自朱子修綱目始以蜀爲正統蕭常復本其意作續後漢書經當時未見常書乃能獨伸大義勒成一編盡祛陳壽以來帝魏寇蜀之謬識見可謂醇正其間持議亦頗有可取然漢晉諸臣以行事間涉三國而收入列傳者不一而足又八錄之中往往雜採史記前後漢書晉書之文亦皆失於限斷揆諸義例均屬未安然經教尙氣節學有本原故所論說多有裨於世教且經以行人被執困苦艱辛不肖少屈其志故於氣節之士低徊往復致意尤深讀其書者可以想見其爲人又

非蕭常謝陞諸家徒推衍紫陽緒論者比也經所撰尙有陵川集元延祐戊午與是書皆官爲刊行迨明之中葉陵川集僅存而是書傳本遂絕今本於永樂大典錄出缺年表一卷刑法錄一卷餘序文議贊亦稍有闕失而彙次排比復成完書經亦可以無憾矣

陵川文集三十九卷附錄一卷

一作文忠集

存 乾隆戊午王氏刊本

經深於經術其文雅健雄深無宋末膚廓之習其詩亦神思深秀天骨挺拔與其師元好問可以雁行不但以忠義著也延祐五年經門人集賢大學士郭貫請以是集與所作續後漢書官爲刊本付待制趙穆編修官浦道源等詳定得旨允行卷首所載江西中書省劄付咨文蓋卽其事後官版散佚明正德己卯

沁水李淑淵重刊於鄂州陳鳳梧序之康熙乙酉武進陶自悅
守澤州得李本於州民武氏家欲鋟木未果僅爲製序弁其首
乾隆戊午鳳臺王鏐始校刊之而據諸書之有涉於經者別爲
附錄一卷綴之於末其誌傳行狀官誥劄咨及元明人原序皆
仍舊刻冠於首今所行者皆鏐刻本云

一王雅二百五十篇

佚

見錢大昕元史藝文志別集類

原古錄

佚

見錢大昕元史藝文志總集類

唐宋近體詩選

佚

見同上

皇朝古賦選一卷

佚

見錢大昕元史藝文志騷賦類

平慶安丙子平宋錄三卷

存

守山閣本

平慶安燕山人杭州路司獄是書上中二卷紀至元十五年巴
顏下臨安及宋幼主北遷之事與史多同下卷紀巴顏賀表追
贈河南路統軍鄭江事巴顏功德碑則史所未備也舊題平慶
安撰千頃堂書目以爲劉敏中作前人遂徑題劉敏中以平慶
安爲開板印造之人非著書之人然大德鄉騎序云大德七年

杭州路司獄官平慶安建白大丞相大傅巴顏公加封淮安王
謚忠武創祠立石於武成王廟左又次第平宋錄訖大路推官
王國寶請序其首周明序云平獄司鏡梓王行實傳於世名之
曰丙子平宋錄是書舊題平著不爲無據序中明言慶安名之
曰丙子平宋錄今亦據以改題疑劉敏中所撰別是一書不必
奪此予彼也

楊奐天興近鑑三卷

佚

奐事蹟詳先賢傳按天興金哀宗年號蓋奐在金時記其朝政
如汝南遺事天興墨淚之類元史列傳誤爲大興近有以爲地
志者則誤之甚矣還山集中臂僅記作三十卷

正統書六十卷正統入例序

佚

見錢大昕元史藝文志史鈔類按陶宗儀輟耕錄稱吳書讀通鑑至論漢魏正閏大不平之遂修漢書駁正其事因作詩云風煙慘淡控三巴漢燼將燃蜀婦髮欲起溫公問書法武侯入寇寇誰家後攻宋軍回始見通鑑綱目其書乃寢云云此書大旨以正統爲名似本此意

汴故宮記一卷

佚

見錢大昕元史藝文志地理類

紫陽東游記一卷

佚

見同上

北見記三卷

佚

見奂臂僮記

韓子十卷

佚

見同上按標題似有訛脫字諸家書目亦未載

樂言二十五篇

佚

見同上

視纂八卷

佚

見同上

還山前集八十一卷後集二十卷

佚

見同上元好問作冥神道碑則稱還山集一百二十卷錢大昕元史藝文作六十卷參差不同舊本不得無從考定

還山遺集二卷附錄一卷

存 明宋廷佐刻本

此本明嘉靖初南陽宋廷佐所輯以掇拾殘牘故名之曰遺集凡文一卷詩一卷冠以考歲略又附錄傳誌題咏之類爲一卷併各以採自某書得自某人及石刻今在某所注於下蓋明之中葉士大夫偶著一書猶篤實不苟必求有據如此

紫陽集八十卷

佚

見錢大昕元史藝文志別集類

杜瑛春秋地理原委十卷

佚

瑛事蹟詳先賢傳此書見馬祖常撰碑

論語旁通四卷

未見

千頃堂書目云緱山杜氏論語旁通二卷或作四卷中山李桓

序之

語孟旁通八卷

佚

見馬祖常撰碑按經義攷別出論語旁通而不載此書蓋千頃堂所藏僅論語也此云八卷似每種各四卷

皇極引用八卷

佚

見同上

皇極疑事四卷

佚

見同上

極學十卷

佚

見同上

律呂律厯禮樂雜說三十卷

佚

元史本傳云瑛於律則究其始研其義長短清濁周徑積實各

以類分取經史之說以實之而折衷其是非於厯則謂造厯者皆從十一月甲子朔夜半冬至爲厯元獨邵子以爲天開於子取日甲月子星甲辰子爲元會運世之數無朔無閏餘率以三百六十爲歲而天地之盈虛百物之消長不能出乎其中矣論閉物開物則曰閉於己閉於戊五天之中也六地之中也戊己月之中星也又分卦配之紀年金之大定庚寅交小過之初六國朝之甲寅三月二十有三日寅時交小過之九四多先儒所未發馬祖常撰碑作律厯禮樂雜說而無律呂金門詔三史藝文志又分律呂志禮樂志入禮家律厯志入天文家不知何據

中山文集十卷

佚

見錢大昕元史藝文志別集類

趙復傳道圖

佚

復事蹟詳僑寓傳按元史本傳復以周程而後其書廣博學者未能貫通乃原義農堯舜所以繼天立極孔子顏孟所以垂世立教周程張朱氏所以發明紹續者作傳道圖而以書目條列于後

師友圖

佚

本傳復以朱子門人散在四方則以見諸登載與得諸傳聞者共五十有三人作師友圖以寓私淑之志

伊洛發揮

佚

見元史本傳

希賢錄

本傳復又取伊尹顏淵言行作希賢錄使學者知所嚮慕然求端用力之方備矣

梁有演說文

佚

有事蹟詳先賢傳此書見盧文弼補元藝文志

文海英瀾二百卷

佚

天厯間有奉敕河南北錄金石刻於濟州得漢刻九通於泗水之中共錄金石刻三萬餘通上進其副類爲二百卷曰文海英瀾

續列仙傳三十卷

佚

見金臺集

耶律鑄雙溪小藁

佚

鑄事蹟詳先賢傳此書見

四庫全書提要今已彙入醉隱集原有趙著麻革王萬慶諸序跋
雙溪醉隱集八卷

存

鑄集久佚

四庫本從大典錄出編爲八卷有前集新集續集別集外集諸名
鑄早從征伐足蹟涉歷多西北極遠之區故所述塞外地理典

故往往詳核如據和林城唐明皇御書闕特勤碑證新舊唐書作特勒之誤處月丁零二註辨論頗詳此類皆有裨於考證又其家在金元之間累世貴顯諸習朝廷舊聞集中如瓊林園龍和宮諸賦敘述海陵章宗軼事及宮室制度多金史所未及其他題咏亦多關係燕都故實而帝京景物略諸書均未紀錄亦足以資博識也至於金史耶律履傳元史耶律楚材傳均不著其里貫於史例頗爲不合今攷鑄寓厯亭詩注云子家遼上後家醫無間又五湖別業詩註云余先居和林後寓隗臺今卜築縉雲五湖別業敘其遷徙之蹟頗詳是尤足以補史之闕矣

雙溪醉隱樂府十一冊

未見

盧文弨補元藝文志詞曲類云分前續別外新五集與鑄醉隱

集同

梁會學士詩集

佚

曾事蹟詳先賢傳是書見錢大昕元史藝文志別集類

盧肇疎齋文集

佚

肇事蹟詳先賢傳按元初能詩者以肇爲首錢唐張雨曰疎齋集據官本讀之一過生風凜然趙郡蘇天爵曰國家平定中原士踵金宋餘習率皆麤豪衰茶涿郡盧公始以清新飄逸爲之倡臨川吳澄曰涿郡盧學士所作古詩類晉人清言古文出入盤詰中字字土盆瓦缶而倏有三代虎雉瑚璉之器見者莫不

改視

文章宗旨

佚

見錢大昕元史藝文志文史類

鮮于樞困學雜錄一卷

存知不足齋本

樞事蹟詳先賢傳是書所紀當時詩話雜事爲多原本不著名氏故嘉靖中袁袞跋稱撰人未詳曹溶收人學海類編以鮮于樞自號困學民題所居曰困學齋遂以此書爲樞撰今攷其書雖隨筆劄錄草草不甚經意而筆墨之間具有雅人深致非俗士所能僞託且元初諸人亦別無稱困學齋者定爲樞作似乎可信未有厲鶚跋謂卷中金源人詩可補劉祁歸潛志之闕存之亦可以資採錄也開卷引李平許褚二事但錄舊文無所論

斷莫詳其意卷中趙復初二詩前後兩見字句有異同殆亦偶
然雜錄未經編定之本後人因其墨迹繕錄成書如蘇軾志林
仇池筆記之類歟

困學齋集

佚

見錢大昕元史藝文志別集類

曹鑑文集

佚

鑑事蹟詳先賢傳按元史本傳鑑爲詩賦尙騷雅作文法西漢
篇成學者爭相傳誦

耶律希亮懔軒集三十卷

佚

希亮事蹟詳先賢傳按本傳希亮爲史官時乃類次世祖嘉言善行以進雖疾病不廢書史或中夜起坐取燭以書所著及從軍紀行錄三十卷名之曰懋軒集

周之翰朝儀備錄五卷

佚

之翰字子宣大都人由侍儀舍人至冠州知州此書見錢大昕元史藝文志儀注類

朝儀紀原三卷

佚

見同上

宋本至治集四十卷

佚

本事蹟詳先賢傳按本傳云其文峻潔刻厲多微辭每歎近世
文體散敝爲不足尙務爲高古以勝之始以詩歌擅名及聞貢
舉詔下復習經義策問就王奎文講明性命義理之學造詣日
深

宋聚燕石集十五卷附錄一卷

存

聚事蹟見先賢傳聚博覽羣籍與兄本後先入館閣並有集行
世時人以大宋小宋擬之聚集爲其姪太常奉禮郎璠所編凡
詩十卷文五卷首載至正八年御史臺咨浙江行中書省刊行
咨呈一道歐陽元蘇天爵許有壬呂思誠危素五序末附諡議
墓誌祭文輓詩又有洪武中何之權呂熒二跋蓋猶舊本歐陽
元序稱其詩務去陳言燕人凌雲不羈之氣慷慨赴節之音一

轉而爲清新秀偉蘇天爵序稱其詩清新飄逸間出奇古若盧
仝李賀危素序則稱其精深幽麗而長於諷諭核其所說亦約
近之至其詞藻煥發時思才多句或不檢韻成牽綴如正獻公
墳所寒食詩有高墳白打錢句案韋莊詩上相間分白打錢非
紙錢也張女輓詩却是真魂埋不得句序稱其女工於屬對十
歲而夭按李商隱詩萬古真魂倚暮霞非十歲未字之女也如
斯之類大抵富贍之過貪多務得遂不能刮垢磨光然武庫之
兵利鈍互陳論其大體足爲一家固不以字句累之矣其文爲
作詩之餘事然溫潤而潔淨亦不失體裁焉

皇元風雅八卷

佚

見錢大昕元史藝文志總集類

高彥敬文簡公文集七卷

佚

彥敬事蹟詳先賢傳是書見錢大昕元史藝文志別集類

李衍息齋老子解四卷

佚

衍事蹟詳方技傳此書見錢大昕元史藝文志釋道類

竹譜十卷

存

原本久佚

四庫本於大典中錄出分四門曰畫竹譜墨竹譜竹態譜竹品譜其竹品譜中又分全德品異形品異色品神異品似是而非竹品有名而非竹品六子目共爲十卷各有所圖蓋每二卷併一

卷矣其書廣引繁微頗稱淹雅錄而存之非惟游藝之一端抑亦博物之一助矣中有有說而無圖者自序謂與常竹同者則不復圖非闕佚也續宏簡錄曰衍少時見人畫竹從旁窺其筆法始若可喜旋覺不類輒嘆息舍去復從黃華子曼慶學已觀黃華所畫墨竹又迥然不同乃復棄去至元初來錢塘得文同一幅欣然願慰自後一意師之兼善加青綠設色後使交趾深入竹鄉於竹之形色情狀辨析精到作畫竹墨竹二譜凡黏幘碧絹之法悉備鄧文原履齋集有哭衍詩二首詩末註曰仲賓近刊竹譜二十卷其書世罕傳本浙江鮑氏所傳鈔者僅有一卷疎略殊甚不足存矣

李士瞻經濟文集六卷

存

士瞻字彥閱東安人爲翰林學士承旨封楚國公使閩適海首
據福州城王師攻之不下士瞻喻以禍福首遂出降閩人立祠
祀之具載東安李志

四庫提要則云先世新野人徙居荆門至正初中大都路進士中
書辟充右司掾除刑部主事累官戶部尙書出督福建海漕就
拜行省左丞召入爲參知政事改樞密副使拜翰林學士承旨
封楚國公以至正二十七年卒不言其爲東安人於其子繼本
一山文集則云東安人占籍北平而不言其爲士瞻之子考元
之東安有二一爲湖廣省永州路一卽大都路之東安州士瞻
由新野徙荆門與永州不合惟紀士瞻云中大都路進士繼本
云占籍北平其卽寄北平之東安籍歟東安志所紀與提要所
云詳略不同大致則一是集爲其曾孫仲所編一山集亦仲所

編亦可謂賢子孫矣元史不爲立傳惟順帝本紀載至正二十二年樞密副使李士瞻上疏極言時政凡二十事具列其目大抵當時急務蓋亦諫直之士也集中所錄始於爲右司掾時而迄於奉使閩中故元史所載時政疏不在其中然所載往來簡劄至七十餘通幾居全集之半雖多屬一時酬荅之作而當時朝政之姑息兵事之乖方藩臣之跋扈多可藉以考見其彌縫匡救委曲周旋拳拳憂國之忱亦不在所上時政疏下元史於順帝時事最稱疏略存此一集深足爲攷證之助正不徒重其文章矣

李繼本一山文集九卷

存

繼本土瞻之子本名延與以字行至正十七年進士授太常奉

禮兼翰林檢討中原倣擾隱居不仕河朔學者多從之以師道
尊於北方其自敘云啟壬辰爲雄邑招致親夏楚事又有移教
房山留別雄縣周尹詩繼本辭官設教士友咸稱廣文先生不
稱故翰林元季崇師重道其流風可觀也又云洪武乙卯典邑
校於涑以口耳之學爲桐子師丁巳秋得告還里戊午夏永清
劉宰招致攝其鄉學明初學官聽郡邑長吏推擇名碩爲之其
詩文俊偉疏達能不失前人規範長歌縱橫磊落尤爲擅場中
有學李白不成流爲盧仝馬異格調者好奇之弊其矢不免猶
而野然愈於翦紅刻翠以詞爲詩者多矣

李有古杭雜記四卷

佚

有事蹟詳僑寓傳此書見錢大昕元史藝文志地理類

何失得之詩一卷

存

失事蹟詳先賢傳失能詩文與尙書高彥敬太常鮮于樞同學
遺詩一卷京兆杜伯原敘而傳之

孟昉待制文集

未見

昉字天暉本西域人寓北平至正十二年爲翰林待制官至江
南行臺監察御史陳基孟待制文集序云翰林待制孟君砥礪
成均敬應省臺張光弼集多載與孟天暉西湖往還之作蓋天
暉自翰林出歷官江浙亦在江淮兵亂之後入明未詳所終
釋適至元辨僞錄五卷

未見

邁大都路道者山雲峰寺僧此錄見元史藝文志釋道類

儀公續釋氏通鑑十五卷

未見

儀公字則堂京師大寶集寺住持所修續宋僧本覺之書始宋太祖至今見同上

萬松老人評唱天童覺和尚頌古從容菴錄

未見

萬松老人詳釋道傳此錄見同上

評唱天章拈古請益後錄

未見

見同上

釋氏新聞

未見

見同上

萬壽語錄

未見

見同上

盤山栖雲大師語錄一卷

未見

見盧文弼補元藝文志道家類

明

董倫太祖實錄

未見

倫事蹟詳僑寓傳建文元年修見明史藝文志正史類

黃潤玉儀禮戴記增注五卷

未見

潤玉事蹟詳僑寓傳潤玉著述甚富以朱子嘗欲作儀禮經傳通解未就乃取儀禮析爲四卷以禮記比類附之不類者附諸卷後又以五禮獨缺軍禮取周禮大田禮補之以禮記載田事者附焉別爲一卷皆爲注釋見明史藝文志禮類

考定深衣古制一卷

未見

潤玉以禮記深衣制十有二幅鄭氏誤以爲裳而玉藻長中繼掩尺注亦謬因撰此書

經書補注四卷經譜一卷

未見

見明史藝文志諸經類楊守陳曰先生以四書諸經注家或道
或誤乃撰經書補注王圻曰黃公補注其言多有可采

庸學通旨一卷

未見

見明史藝文志四書類楊守陳曰先生以大學中庸旨皆淵奧
撰庸學通旨

四明文獻錄一卷

存

是編成於成化丙戌以四明文獻分爲二類一曰鄉先生自漢
角里夏黃公以下三十五人皆四明產也一曰鄉大夫自周文
種以下九人皆官於四明者也人各有傳并系以贊

甯波府簡要志二卷

存

是編以舊志太冗乃刪除繁贅定爲五卷體例簡潔亦康海武功志之亞

海涌萬象錄四卷

存

是書乃潤玉孫溥錄其平日言論分四十類

南山錄

未見

見宛平王志

南山稿

未見

見同上

姚廣孝道餘錄二卷

存鈔本

廣孝事蹟詳釋道傳廣孝棄儒爲僧棄僧爲官禪乘儒宗兩無所得是錄極詆儒術以自張其學持論尤無忌憚姑蘇志曰姚榮國著道餘錄專詆程朱少師亡後其友人張洪謂人曰少師與我厚今死矣無以報之但每見道餘錄輒爲焚棄云云是其書之妄謬雖親暱者不能曲諱矣

佛法不可滅論一卷

未見

見明史藝文志釋道類

逃虛子集十一卷類稿補遺入卷

存鈔本

廣孝爲高啟北郭十友之一所著初名獨安集沒後吳人合刻其詩文曰逃虛子集後又掇拾放佚謂之補遺其詩清新婉約頗存古調

李紳抱犢山人稿

佚

紳字晉卿宛平人官至光祿寺少卿考核京官調外任三疏乞退榜于座日五斗懶將雙膝屈三章乞得一身閑多蓄道書手錄至盈箱篋此書見宛平王志

董方澤縣志

詳紀錄順天事之卷

讞獄錄

佚

此錄寺丞劉瀚所編學士劉定之序之

文集

佚

見周洪謨撰墓志

岳正深衣注疏一卷

未見

正事蹟詳先賢傳此書見明史藝文志禮類經義攷作深衣纂
疏通州高志作深纂誤

類博雜言二卷

存 刊本

此書雜論陰陽五行及醫卜星算之說中間論大衍之數及皇
極經世之數亦頗有發明明史藝文志作二卷今已編入類博

彙中

類傳稱十卷

存

見明史藝文志別集類是集爲其門人李東陽蒐輯遺稿而成
凡詩二卷雜文八卷又附錄二卷前一卷載諸人誌銘傳贊等
作後一卷則東陽以葉盛所作誌銘多所隱諱爲正補傳也其
文章天真爛漫落落自將史稱所草承天門災諭廷臣詔劄切
感人舉朝傳誦足以見其一斑矣

崔富鹽政一覽

佚

富字教之蘄州人正統辛酉舉人官至兩江運使此書見蘄州
沈志蓋富爲運使時所著

李東陽燕對錄三卷

存

東陽事蹟詳先賢傳是書見宏治十三年三月至正德六年八月凡召見奏對之詞悉著於編其中所載有數大事若明本紀宏治十七年三月癸未定太廟各室一帝一后之制此書載定制端末甚悉蓋禮志中所未及詳又攷本紀宏治十一年二月己巳小王子遣使求貢夏五月戊申甘肅參將楊翥敗小王子於黑山此書則載六月小王子求貢甚急大同守臣以聞已許二千人入貢既而不來六月間走回男子報小王子有異謀內閣具揭帖以聞證之本紀繫求貢於二月先後差五月又本紀載楊翥敗小王子在五月則小王子之叛已在五月前矣而此書載六月間始報小王子有異謀頗爲不合考本紀載小王子之敗在五月戊申而六月首標己酉次標癸亥戊申距己酉止

一日則五月戊申乃五月盡日當六月間內閣揭帖時或猶不及聞耳書末載正德六年四月命閱會試錄一條八月召對禦流賊劉七齊彥明等一條與楊廷和所著視草餘錄全符似足徵信又考謝遷劉健於正德九年十月致仕楊廷和於二年十月入閣梁儲於五年九月入閣故是書於宏治十八年以後皆止書遷健至正德六年則書廷和及儲也

懷麓堂集一百卷附年譜二卷

存 康熙壬戌茶陵州學正廖方達校刻本

是集詩集二十卷文稿三十卷詩後稿十卷文後稿三十卷又雜稿十卷曰南行稿曰北上錄曰經筵請讀曰東記錄曰集句錄曰哭子錄曰求退錄凡七種東陽文章平正典雅爲有明一大宗李夢陽何景明倡復古學以掩之迄不能掩明藝文志別

集類云前後集九十卷續稿二十卷與此不同明史藝文志

四庫傳記類均別載東祀錄今已編入雜稿無煩複列東陽年譜
本爲朱景英編

國朝法式善病其簡略因采輯各書編爲七卷前五卷唐仲冕校
補後二卷謝振定校閱於東陽事蹟搜采無遺式善欲取本集
刪其重複一其體例合前續稿甄錄之未知有定本否也

懷麓堂詩話一卷

存 知不足齋刊本

東陽論詩主於法度音調而極論剽竊摹擬之非當時奉以爲
宗至何李旣出始變其體然廣古之病適中其所詆訶故後人
多抑彼而伸此此編所論多得古人之意雖詩家三昧不盡於
是要亦深知甘苦之言矣

顧大章小容集

佚

大章字天和號小容通州人宏治八年舉人官西安通判此集

見通州高志

楊世揚集

佚

世揚事蹟詳先賢傳通州高志云有堰解潞水之行東郊風雅

瘦瓢等集蓋子目也

車璽治河總考八卷

存刊本

璽宛平人成化戊戌進士官至河南按察司僉事是編考歷代治河之事以時代先後爲次始周定王五年河徒碣磔并歷代

修治方略至明嘉靖十七年書內言明較詳又以再貢史記河渠書漢溝洫志元史河源附錄宋濂治河議河南總志八條列後體例未免參差矣

賈斌忠義集四卷

佚

斌事蹟詳先賢傳此集見明史藝文志別集類

張欽三疏

存

欽事蹟詳先賢傳欽巡視居庸止帝出關三疏直聲徧海內曲

周王鸚序而刊行

大同府志十八卷

存

是志乃正德癸酉欽官行人奉使代藩時所作凡四十門其沿革門紀大同晉置始興郡後魏徙都平城不知北魏始爲新興至天興中乃徙平城山川門白帝山祇載白登盡爲古蹟不知白登有繁時宮室武廟諸蹟載於水經注及通典者甚詳又黃河在大同廢東勝州南八里自榆林北塞經此乃折而南書中僅云自東勝界南流至太原往往失之外略蓋邊地少書又倉卒脫稿故也其別立烽堠一門又卷首圖說中有車營戰車諸圖爲他志書所無之例蓋大同在明代爲嚴邊故尤詳於武備云

保定志二十五卷

未見

見明史藝文志地理類

楊秦迺巡集十卷

佚

秦事蹟詳先賢傳此集見王用賓撰志銘

頓銳涿鹿先賢傳

存

銳事蹟詳先賢傳此書紀涿州先賢嘉言懿行以眎後學惟涿

鹿實今之保安州非涿州也

鳴汀長古集二卷前集二卷別集二卷續集一卷漁陽集二卷頓

詩一卷

存

銳少負詩名當時稱涿郡有才一石銳得其八斗晚年卜居懷

玉山吟詠自適其五言古詩氣韻清拔頗爲入格七言古詩跌

蕩自喜而少剪裁近體專尚音節數篇以外意境多同蓋變化之功猶未至也

戈永齡太陽太陰通軌

存

永齡宛平人正德中官欽天監保章正是書取元代所輯大統厯七政交食通軌循其法而重演之原本不題卷數僅分三冊蓋其細草稿也

楊行中通州志略

詳紀錄順天事之書

王儀陝西河南奏議

未見

儀事蹟詳先賢傳此編爲儀按陝西河南時奏議

上谷奏議

未見

此獨爲儀巡撫宣鎮時奏議

吳中田賦錄五卷

存

儀守蘇州時以蘇屬田賦涸亡遂日沈思擘畫率僚屬躬循阡陌計丈數仍溝洫縣縣各爲記籍卒披籍驗之或然或否恆懲一以警百民毫釐不敢有所隱乃以入事定田賦而賦平以十歲編徭役而役平以三法考課鈔而民之灌輸平令下初若煩碎後無不稱便者是書記事亦極詳贍可法

王穉愚谷山人小傳

存 文安志本

絳事蹟詳先賢傳是書見沈涵撰傳

楊淪翰林集

存

論事蹟詳先賢傳此書見涿州吳志

南郭集

存

見同上

陳儒安邊十事

未見

儒字懋學復之孫嘉靖癸未進士歷官左都御史巡撫淮揚此

書見宛平王志

陳堯醒翁集

佚

堯事蹟詳先賢傳是集見宛平王志本傳云堯所至輒聚生徒
講學南安人爲之築醒翁亭咸稱其品詣可當廬陵云

郝勳川上草

未見

勳字孟立號涿川涿州人嘉靖丁酉舉人詩閱遠冲穆能自言
其所得

余之祥易經統旨

佚

之祥字鳳梧宛平人此書見宛平王志

詩經統旨

佚

見同上

四書宗旨要言

佚

見同上

張重詩文集

佚

重順義人嘉靖辛丑進士官至職方司郎中此書見順義黃志
蘇志皋巡撫奏議十八卷

佚

皋字德明別號寒邨固安人嘉靖壬辰進士官至副都御史此
書見汪來寒邨集後序

恆言一卷

佚

見同上

譯語畫跋一卷

佚

見同上

寒邨集四卷

存

此集凡詩二卷雜文二卷有汪來後序列朝詩選稱其才情富麗沾沾自喜並好作長短句

抱罕集

未見

見浙江采遺書目

王遴二鎮疏草八卷

未見

遼事蹟詳先賢傳此書見霸州朱志蓋遼任山西苛嵐兵備副使又任僉都御史按延綏時奏疏

奏議十卷

未見

見孫承澤撰傳

萍踪歲紀

佚

見霸州周志有崔象小序

大隱堂詩集

存

有錢達道序

劉效祖春秋稿二卷

佚

效祖事蹟詳先賢傳此書見宛平王志

四鎮三關志十二卷

存

見抽燬書目

古文詞雜著七卷

佚

見宛平米志

詩稿八卷

未見

見明史藝文志別集類效祖有詩名隆慶時曾遶中官索其詩

今畿輔明詩選存十一首

李贊九正易因四卷

存刊本

贊事蹟詳倚寓傳自序曰易因一書子既老復遊白門而作也三年就此封置策筭上濟北讀易於通州馬侍御經綸之精舍晝夜參詳更兩年而易因之舊者存不能一二改者且至七八矣侍御曰樂必九奏而後備丹必九轉而後成易必九正而後定宜仍舊名易因而加九正二字子喜而受之遂定其名曰九正易因也

藏書六十八卷

存刊本

是書上起戰國下迄於元各採摭事蹟編爲紀傳紀傳之中又

立名目亦未盡當

續藏書二十七卷

存刊本

是編續前編而作輯明初以來事業較著者若干人以續前書之未備其書分開國名臣開國功臣遼國名臣靖難功臣內閣輔臣勳封名臣經濟名臣理學名臣忠節名臣孝義名臣文學名臣郡縣名臣諸目因自記其本朝之事故議論背誕之處比藏書爲略少然一劉基也既列之開國名臣又列之開國功臣一方孝孺也既列之遼國名臣又列之文學名臣經濟本無大小安見守令設施不足以當經濟乃於經濟名臣外別立郡縣名臣又王禕殉節滇南不入之忠義傳中而列之開國名臣內亦無義例

初潭集十二卷

存

是書集說部分五類曰天婦曰父子曰兄弟曰君臣曰朋友每類之中又各有子目皆雜採古人事蹟加以評語其名曰初潭者言落髮龍潭時卽纂此書故以爲名

讀升庵集二十卷

存

是編哀集楊慎諸書分類編次凡採錄詩文三卷節錄十七卷去取無甚義例

李溫陵集二十卷

存

是集一卷至十三卷爲荅書雜述卽焚書也十四卷至十七卷

地天序卷三十一
爲讀史卽摘錄藏書史論也十八十九二卷爲道原錄卽說書也第二十卷則以所爲之詩終焉前有自序蓋因刻說書而併摘焚書藏書合爲此集也

李三才誠恥錄

未見

三才事蹟詳先賢傳此書見通州高志

雙鶴軒詩集

未見

見同上今明畿輔詩傳選四十二首

灼艾集

未見

見同上

無自欺堂集

未見

見同上

王嘉謨薊邳集四十卷

存

嘉謨事蹟詳先賢傳此書見明史藝文志別集類今畿輔明詩

選六十三首

李天麟楚臺記事七卷

存

天麟字公振大興人萬厯庚辰進士官至監察御史巡按湖廣浙江是書卽在湖廣所作分地理圖說爲四卷兵糧圖說爲三卷又雜載章奏禮儀堂規供應等舊例猥雜煩瑣與書吏簿籍

無異其載賸餽儀銀數多寡以官階大小爲準可見當時苞直陋習而公然載之簡牘毫無顧憚尤足徵明政之不綱也

詞致錄十二卷

存

是集皆載詞命之文分制詞進奏啟劄祈告雜著五門中又各分子目所採上自漢晉下迄宋頗勝明末之猥濫

王樂善扣角集

未見

樂善字存甫進子萬厓壬辰進士官吏部考功司主事其詩多自傷不遇之意

鷓適軒詩集

未見

見畿輔明詩傳小傳

李本緯灌蔬園集

未見

本緯字君章錦衣衛人萬厯壬辰進士官布政使此集見畿輔明詩傳小傳

楊惟治香雪齋集

未見

惟治事蹟詳先賢傳此書見通州高志

通署詠

未見

見同上

劉廷諫年譜紀略

未見

廷諫事蹟詳先賢傳此書見通州高志

白雲牘

未見

見同上廷諫先官刑部廣西司主事白雲樓卽司署也蓋編錄當時讞牘

司銓奏草

未見

見同上廷諫官吏部郎中所編

退谷嚶言

佚

見同上

雲庵初集二集

佚

見同上

都下草

佚

見同上

米萬鍾易義四卷

未見

萬鍾事蹟詳先賢傳此書見宛平王志

篆隸考略二卷

佚

見同上

象緯兵鈴十二卷

佚

見同上

石史十六卷

未見

見同上

琴史八卷

未見

見同上

奕史四卷

未見

見同上

澄澹堂文集十二卷

未見

見同上

詩集十二卷

未見

見同上

南北史宮詞二卷

未見

見同上

澠然雜詠一卷

存

萬鍾管構漫園勺園又構湛園標園中佳勝爲十八題因裒集

一時賦詠類爲此編

梁應澤國朝文獻考

未見

應澤事蹟詳先賢傳此書見大興張志

人物志

未見

見同上

朝政記

未見

見同上

涇原攷

未見

見同上應澤爲鳳邠道時均理韓藩宗田巡行固原涇州平涼州時所攷

宋韓忠獻李忠定經濟略

未見

見同上

守徽錄

未見

見同上應澤先守徽州時編錄

關西末議

未見

見同上此亦應澤巡鳳邠道所作

晉議

未見

見同上此應澤官山西參政及河東道時編錄

撫鄖疏草

未見

見同上此應澤撫治鄖陽時編錄

王陞文集

佚

陞字德懋文安人萬厯辛丑進士翰林院檢討此書見文安楊

志

盧友竹武庫千秋鑑

佚

友竹三河人萬厯丙午舉人官至廣西按察使其任岢嵐兵備

道雲中太原兩撫交章爭爲邊才最此書皆談兵之作

彝倫法戒錄

佚

見三河陳志

衛兵備論

佚

見同上

盧氏家訓

存 刊本

見同上李因篤序之云言簡而義宏體平而適用循則安而違則亂履則吉而悖則凶脩之家而有餘施之天下而無不足云云此書質直近理亦可概見矣

郝鴻猷蔭蘿軒集

未見

鴻猷字銘燕號勳甫霸州人萬厯乙酉舉人

汪化鱗灌息軒詩草

未見

化鱗字應雷霸州人朱志存王樂善序

張國說夢一齋集

未見

國說字貞子宛平人萬厯庚戌進士官布政使此集見畿輔明

詩傳小傳

方從哲乙卯召對錄三卷

存

從哲事蹟詳雜人傳乙卯爲萬厯四十三年從哲獨相時也

釋真空篇韻貫珠集一卷

存

真空號清泉萬厯中京師慈仁寺僧也是書分爲八門編成歌訣一曰五音篇首歌二曰五音借部免疑海底金三曰檢五音篇海捷法總目四曰貼五音類聚四聲篇海捷法五曰訂四聲集韻卷數竝韻頭總例六曰貼五音四聲集韻捷法總目七曰創安玉鑰匙捷徑門法歌訣八曰類聚雜法歌訣大旨以五音集韻篇海爲本二書卷帙稍繁門目亦碎故立捷法檢尋之無所發明攷證又俗僧不知文義而強作韻語讀之十九不可曉註中語助之詞亦多誤用其難通更甚於篇韻也

孫祖壽制勝篇

佚

祖壽事蹟詳先賢傳此書見昌平宋志

于奕正天下金石志

存

奕正事蹟詳先賢傳是書具載古來金石之所在略註撰書人姓名年月亦間有所攷證其中如衡方碑在山東而以爲在陝西唐顏氏家廟碑今在西安府儒學而以爲在曲阜據王崇簡都門三子傳所敘奕正始末蓋生長京師平生未出國門晚年始一游江南遂以族卒其耳目所及者隘其不能詳者亦宜也書前有金鉉序又有劉侗略述六則詞頗佻僂蓋染竟陵公安之習者獨其稱孫雪居誤以李翁郝閣頌在冀郡潁川荀淑碑在潁上周少魯不載董仲舒漢贊於真定天甯寺隋碑於宛平

均爲舛謬奕正此書正孫本者十四正周本者十七則尙爲公
論云

樸園樂府

存

奕正歿後友人楊曰補歸與治刻其遺詩止數十篇

陳效忠培龜吟

佚

效忠字葵心萬厓拔貢生授山東登州推官時棲霞令與代巡
相忤欲中傷令泣訴求全效忠曰甯失官決不作此傷天理
事注令上仕至陝西延安府知府此書見房山佟志

王愛史論

佚

愛事蹟詳先賢傳此書見畿輔唐志

息機園集

佚

見同上

張文庭怡怡堂詩集

未見

文庭事蹟詳先賢傳文庭工書法晚益工詩與弟文輝最友愛

集名怡怡紀實也

紀克揚麗奇軒易經講義

存

克揚事蹟詳先賢傳是編用注疏本不錄經文但每卦約詰數條皆略象數而詳義理詳其文義蓋標識於經傳之上而其後

人錄之帙者也

四書講義

存

其書不錄正文每章約詰數語大旨爲科舉而作

麗軒文集

佚

見秦松齡撰傳

迴文詩

佚

秦松齡撰傳云克揚著迴文體六十四字縱橫讀之可得詩三百六十首人咸服其綜密

張維蒼雪齋集

佚

雜事蹟詳雜人傳此書見酌中志三十五

皇華集

佚

見同上

歸來篇

佚

見同上

徐兆任廐山子集

佚

兆任字伯衡爲都門宿儒游其門者如金忠深鉉其首著也此
書見宛平王志

楊三聘志道集

佚

三聘秦會孫之柄之祖殿貢官兩當教諭此集見之柄墓志

金鉉易說一卷

存

鉉事蹟詳先賢傳經義考載賀世壽曰先生釋褐最少已屬必
爲聖賢之志非六經及諸儒心性之書不陳於棊几晝夜孜孜
惟在聞道故於天經人紀肩荷獨力其人千古其學亦千古

語錄

存

見東林列傳

忠節公集六卷

存

見明史藝文志別集類

史可法忠正文集

卷

存

可法事蹟詳先賢傳

吳端御織絢堂集

佚

端御事蹟詳先賢傳是書見畿輔唐志

阮漢聞女雲臺

存

漢聞事蹟詳先賢傳是書取古婦女以武勇著者編次成帙以
差當時不能載之將帥

樊夢斗中庸講義

未見

夢斗事蹟詳先賢傳是書左光斗謂爲洙泗真傳湯斌謂爲原性道究天人精義洞微

駐棧亭詩集

存

夢斗隱居不仕以詩自娛陶韋之亞也

徐本竹軒詩一卷

未見

見宛平王志

甯允琬紺葉庵集

佚

允琬字晦伯崇禎癸酉舉人游國學時試以鼻論日表南北士
莫與匹者此集見房山佟志

王業隆忠烈考二卷

存刊本

業隆事蹟詳先賢傳是考紀明末事上自帝后下及甲申殉難
諸臣參攷羣籍各繫以詩多掩抑蒼涼之作

詩集八卷

佚

見永清續志

華陽吳祖椿校